

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-10865/26
Sarajevo, 22.6.2026. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

o izboru najpovoljnijeg ponuđača - Izvođenje radova na izgradnji prelivnog distributivnog cjevovoda za rezervoar Reljevo 2

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na izgradnji prelivnog distributivnog cjevovoda za rezervoar Reljevo 2, broj obavještenja 422-1-3-102-3-138/26, objavljeno na Portalu javnih nabavki BiH dana 28.4.2026.godine i u “Službenom glasniku BiH” – Oglasnik javne nabavke broj 31/26, dodjeljuje se ponuđaču “Harysco” d.o.o. Sarajevo sa ponudenom cijenom za okvirni sporazum u iznosu od 496.333,04 KM bez PDV-a, odnosno 580.709,66 sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-10865/26 od 27.4.2026.godine Općina Novi Grad Sarajevo pokrenula je otvoreni postupak javne nabavke – Izvođenje radova na izgradnji prelivnog distributivnog cjevovoda za rezervoar Reljevo 2, broj obavještenja 422-1-3-102-3-138/26, objavljeno na Portalu javnih nabavki BiH dana 28.4.2026.godine i u “Službenom glasniku BiH” – Oglasnik javne nabavke broj 31/26. Procijenjena vrijednost nabavke je 497.435,90 KM bez PDV-a, odnosno 582.000,00 KM sa PDV-om.

Zapisnikom o otvaranju ponuda od 19.5.2026. godine Komisija je konstatovala da je u predviđenom roku u propisno upakovanim kovertama pristiglo četiri (4) ponuda ponuđača:

1. “Unioninvest” d.d. Sarajevo
2. “Mibral” d.o.o. Sarajevo
3. “Harysco” d.o.o. Sarajevo
4. “Manjo” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da dostavljena ponuda ponuđača “Unioninvest” d.d. Sarajevo ne ispunjava kvalifikacione uslove tražene u tenderskoj dokumentaciji

iz tačke 3.4.1. (a) tehnička i profesionalna sposobnost – da je ponuđač u protekle tri godine računajući od naznačenog datuma za predaju ponuda uspješno izvršio najmanje jedan ugovor koji za predmet ugovora ima radove izgradnje vodovodne distributivne mreže vrijednosti najmanje 291.000,00 KM sa PDV-om, a tačkom 3.4.2. (a) propisano je da se navedeno dokazuje dostavljenjem liste izvršenih ugovora ponuđača koji su u vezi sa predmetom nabavke sa vrijednostima, datumima i naručiocima radova a koji su realizovani u protekle tri godine računajući od naznačenog datuma za predaju ponuda, kao dokaz da je u protekle tri godine uspješno izvršio najmanje jedan ugovor koji za predmet ugovora ima radove izgradnje vodovodne distributivne mreže vrijednosti najmanje 291.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove izgradnje vodovodne distributivne mreže vrijednosti najmanje 291.000,00 KM sa PDV-om koju je izdala ugovorna strana – naručilac radova, a koja sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač je na stranici broj 35. ponude dostavio potvrdu o uredno realiziranom ugovoru za izvršene radove na izgradnji vodovodnog sistema „Moštre“, koju je izdao JKP „Visoko“ broj 5386 od 17.11.2021.godine u vrijednosti od 3.371.830,62 KM sa PDV-om, gdje se navodi da je ponuđač „Unioninvest“ d.d. Sarajevo uredno izvršio predmetni ugovor, te da su radovi izvedeni u periodu od avgusta 2020.godine – novembra 2021.godine. Komisija je konstatovala da su radovi koji su predmet potvrde vršeni u periodu koji je duži od tri godine od datuma za predaju ponuda, a navedenom tačkom tenderske dokumentacije naznačeno je da je ponuđač dužan dostaviti dokaz da je u protekle tri godine, računajući od naznačenog datuma za predaju ponuda uspješno izvršio najmanje jedan ugovor koji za predmet ugovora ima radove izgradnje vodovodne distributivne mreže. Obzirom da je naveden period izvođenja radova od avgusta 2020.godine – novembra 2021.godine to Komisija nije mogla cijeliti predmetnu potvrdu kao prihvatljivu.

Na strani 36.ponude dostavljena je potvrda o uredno realiziranom ugovoru izdata od KJKP „VIK“ d.o.o. Sarajevo od 30.3.2023.godine za „Izradu pumpne stanice Kromolj“ u iznosu od 245.838,78 KM sa PDV-om, te da su radovi izvedeni u periodu od novembra 2022.godine - marta 2023.godine. Uvidom u dostavljenu potvrdu Komisija je konstatovala je da je vrijednost ugovora za izvršene radove manja od vrijednosti tražene navedenom tačkom tenderske dokumentacije gdje je naznačeno da vrijednost radova treba da bude u iznosu od 291.000,00 KM sa PDV-om, a u predmetnim potvdama se navodi da su izvršeni radovi u vrijednosti nižoj od tražene. Takođe konstatovano je da je su radovi koji su predmet potvrde realizovani u periodu koji je duži od tri godine od datuma za predaju ponuda, a navedenom tačkom tenderske dokumentacije naznačeno je da je ponuđač dužan dostaviti dokaz da je u protekle tri godine računajući od naznačenog datuma za predaju ponuda uspješno izvršio najmanje jedan ugovor koji za predmet ugovora radove izgradnje vodovodne distributivne mreže, te je Komisija nije mogla cijeliti kao prihvatljivu.

Nadalje, Komisija je konstatovala da dostavljena ponuda ponuđača „Unioninvest“ d.d. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. d) tehnička i profesionalna sposobnost – da je ponuđač opremljen neophodnom mehanizacijom i opremom za obavljanje predmetnih radova, što se dokazuje tačkom 3.4.2. pod e) gdje stoji da se kao dokaz dostavlja izvod iz knjige osnovnih sredstava (sa označenom pozicijom tražene opreme i mehanizacije) ili ugovor o iznajmljivanju opreme i mehanizacije (original ili ovjerena kopija) uz ostalu traženu dokumentaciju - za kamione se dostavlja ovjerena kopija važećih saobraćajnih dozvola, za radne mašine dostaviti ovjerene kopije saobraćajnih ili upotrebni dozvola. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Uvidom u dostavljenu ponudu ponuđača „Unioninvest“ d.d. Sarajevo, Komisija je konstatovala da je ponuđač na strani 48.ponude dostavio ovjerenu kopiju upotrebne dozvole za rovokopač – gusjeničar, broj 15-05/24-VII-a u vlasništvu firme „Grakop“ d.o.o. sa kojim ponuđač ima ugovor o najmu opreme. Međutim bager za koji je dostavljena dokumentacija ima masu od 23000kg što je više od traženih karakteristika (tenderskom dokumentacijom je tražena masa od 15-20tona).

Nadalje za opremu za montažu vodovodnih cijevi i tlačno ispitivanje ponuđač nije dostavio listu stalnih sredstava sa označenom pozicijom, kako je to traženo tenderskom dokumentacijom, te je Komisija konstatovala da ponuđač nije ispunio traženi uslov.

Iz naprijed navedenih razloga utvrđeno je da ponuda ponuđača „Unioninvest“ d.d. Sarajevo ne ispunjava uslove tražene u tenderskoj dokumentaciji iz tačke 3.4.1. (a) i d) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno ponuda je nepravilna.

Komisija je konstatovala da preostale dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da su ponude računski ispravne.

Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. „Mibral“ d.o.o. Sarajevo sa ponuđenom cijenom za okvirni sporazum u iznosu od 496.574,77 KM bez PDV-a,
2. „Manjo“ d.o.o. Sarajevo sa ponuđenom cijenom za okvirni sporazum u iznosu od 497.212,95 KM bez PDV-a,
3. „Harysco“ d.o.o. Sarajevo sa ponuđenom cijenom za okvirni sporazum u iznosu od 497.327,18 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 01.6.2026. godine sa početkom u 11:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-8102/26 od 01.6.2026.godine, Komisija je utvrdila da konačna rang lista izgleda kako slijedi:

1. “Harysco” d.o.o. Sarajevo sa ponudenom cijenom za okvirni sporazum u iznosu od 496.333,04 KM bez PDV-a.
2. “Mibral” d.o.o. Sarajevo sa ponudenom cijenom za okvirni sporazum u iznosu od 496.574,77 KM bez PDV-a.
3. “Manjo” d.o.o. Sarajevo sa ponudenom cijenom za okvirni sporazum u iznosu od 497.212,95 KM bez PDV-a.

U skladu sa članom 10. Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponudena cijena za okvirni sporazum ponuđača “Harysco” d.o.o. Sarajevo iznosi 496.333,04 KM bez PDV-a, odnosno 580.709,66 KM sa PDV-om. Ponuđač “Harysco” d.o.o. Sarajevo dana 09.6.2026. godine odstavio saglasnost broj 02-116/26 na obračun nakon e-aukcije sa ovjerenom svakom stranom predmjera radova.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije



DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova

Općinski načelnik
mr. Semir Efendić

